

PRONI mjesečni bilten

MART 2010. godine



SADRŽAJ

- Okrugli sto u 5 do 12!!! P.1
- Akcija uklanjanja grafita P.2
- Debata u Brčkom P.3
- Edukacija volontera u Bijeljini P.4
- YOUth ZONE!!! P.4
- Nešto više o PRONI-u P.5

Okrugli sto u pet do 12

U organizaciji PRONI Centra za omladinski razvoj Brčko distrikta BiH, 25.03.2010. godine je u Omladinskom centru u Brčkom održan okrugli sto pod nazivom „ Status udruženja građana u Brčko distriktu“ , na kojem je prisustvovalo oko 20 UG iz Brčkog i ukazano na diskriminatorski odnos nadležnih prema ovom sektoru.

To se prije svega odnosi na smanjenje sredstava nevladinim organizacijama za ovu godinu, dok neke od njih poput Udruženja Distrofičar i Udruženja oboljelih od multiple skleroze nisu ni uvrštene u proračun za 2010.

- Na okruglom stolu se raspravljalo o:
 1. Finansiranju udruženja građana u Brčko distriktu
 2. Prostorijama za rad udruženja građana
 3. Status volontera i osoblja koji rade u udruženjima građana
 4. Ulozi Pododjela za podršku MZ i UG

„ Okrugli sto je organizovan u pet do 12 , čime smo željeli još jednom ukazati na ovakav odnos vlasti prema organizacijama civilnog društva, posebno kada su u pitanju mladi te udruženja koja okupljaju oboljele“, istaknuo je Jasmin Jašarević, Generalni menadžer PRONI-a.

Na sastanku je dogovoreno da nevladine organizacije koje su prisustvovala ovom okruglom stolu pokušaju zajednički da djeluju na Vladu Brčko distrikta da im se dodijele određena sredstva iz proračuna za ovu godinu i prostor za pojedine organizacije koje aktivno djeluju na ovom prostoru.

Upakujemo 8. mart

To je bio naziv aktivnosti koju je PRONI organizovao u saradnji i pod pokroviteljstvom Mercator centra u Brčkom povodom 8. marta, Dana žena. Omladinski radnici PRONI-a, zajedno sa volonterima su organizovali aktivnosti u Mercator centru u Brčkom 8. marta 2010. godine.

Posjetioci Mercatora su mogli napraviti čestitku i upakovati poklon za svoju majku, sestru, tetku, baku... zajedno sa klovnom, zaposlenima i volonterima PRONI-a.



Akcija uklanjanja grafita sa Omladinskog centra u Brčkom!!!

Saradnja Policije Brčko distrikta sa mladima

Na inicijativu Policije Brčko distrikta BiH, a u saradnji sa Kancelarijom za upravljanje javnom imovinom Vlade Brčko distrikta BiH i nevladinim omladinskim organizacijama PRONI Centar za omladinski razvoj, Omladinski centar Vermont, Forum za bezbjednost građana, SOS i Asocijacija mladih Brčkog distrikta, je 29.03.2010. godine odrađena akcija uklanjanja grafita sa Omladinskog centra Brčko distrikta BiH.

Ova aktivnost policije preduzeta je u okviru projekta "Rad policije u zajednici" za koju je Policija Brčko distrikta BiH obezbijedila materijalna sredstva a volonteri i aktivisti nevladinih omladinskih organizacija i učenici iz Ekonomske i Poljoprivredno-medicinske škole su krečili i farbali mjesta na kojima su bili ispisani grafiti. S obzirom da su na ovom sastanku prisustvovala nove omladinske NVO predstavnici svih organizacija su predstavili rad svojih organizacije radi boljeg upoznavanja, i plan

rada za 2010. godinu.

Cjelokupnu aktivnost su nadzirati službenici Kancelarije za upravljanje javnom imovinom. –kazao je Halid Emkić, portparol Policije Brčko distrikta.

-Omladinske organizacije u Brčkom u saradnji sa Policijom Brčko distrikta i Kancelarijom za upravljanje javnom imovinom se bore da se za mlade, ljubitelje crtanja grafita, obezbijedi jedno mjesto u gradu, zid, na kome će oni moći izraziti svoju kreativnost i slati poruke, a da to ne rade po zgradama i tako kvare izgled grada - izjavila je Tatjana Ristić, Omladinska radnica PRONI Centra za omladinski razvoj Brčko distrikta BiH. Što je potvrdio i gospodin Emkić, Potparol policije Brčko distrikta.



TRENING O LOBIRANJU I ZAGOVARANJU

U Podgorici je od 11.-13. marta 2010. godine održan trening o lobiranju i zagovaranju namijenjen menadžerima organizacija PRONI Centar za omladinski razvoj iz Brčkog i Bijeljine, CEM (Centar za edukaciju mladih) Travnik, TRIANGOLIK iz Makedonije, CZOR (Centar za omladinski rad) iz Novog Sada i MNE iz Podgorice.

Organizator treninga je MNE organizacija, oni su ujedno bili i domaćini, a trening je finansijski podržan od Forum Syda.

PRONI PODRŽAVA INICIJATIVU GRAĐANI/KE ZA EVROPU

Inicijativa "Građani/ke za Evropu" predstavlja mrežu nevladinih organizacija (NVO-a) iz cijele Bosne i Hercegovine, koje su se okupile sa ciljem da vode direktni dijalog sa domaćim političkim strankama o ključnim mjerama koje treba da budu ispunjene od strane političara kako bi BiH približili EU.

Inicijativa je predstavljena javnosti 10.februara/veljače 2010. u Sarajevu.

PRONI je do sada prisustvovao na svim pripremnim sastancima i prvoj sesiji 29.3.2010. gdje je sa političkim partijama razgovarano na temu Obnovljivih izvora energije u BiH. Sljedeća sesija sa predstavnicima političkih parija je planirana za 21.4.2010. u Brčkom.





DEBATA U BRČKOM!!!

ORC Tuzla, u okviru projekta "Regionalna omladinska akcija protiv diskriminacije", je krajem 2009 i početkom 2010 godine napravila analizu situacije o učešću manjina i opštem poznavanju prava manjina i situacije u kojoj se nalaze manjine u BiH pod nazivom: "Društveno zbližavanje, ravnopravno učešće manjina u BiH". Ukupno je popunjeno 1.526 upitnika, od toga 662 u Federaciji BiH, 764 u Republici Srpskoj i 100 upitnika u Brčko Distriktu BiH.

Jedan od glavnih ciljeva ovoga projekta je prije svega podizanje svijesti građana BiH o važnosti borbe protiv diskriminacije u BiH i regiji, sa posebnim osvrtom na mlade.

Po dobijenim rezultatima Analize definisane su sljedeće oblasti gdje su mladi najčešće izloženi diskriminaciji u Brčko Distriktu BiH

1. Dobijanje posla
2. Školski sistem
3. Diskriminacija od strane vlasti u Brčko Distriktu BiH

Uz dobijene podatke da su u Brčko Distriktu BiH najveće žrtve diskriminacije Nacionalne manjine, mladi i žene te da najveći broj ispitanika u svojim komentarima poziva na konkretne akcije u cilju suočavanja i rješavanja problema

diskriminacije ORC Tuzla je organizovao debatu u Brčko Distriktu BiH 10.marta 2010. godine na temu "Diskriminacija mladih i nacionalnih manjina u oblasti dobijanja posla" na koju su bili pozvani relevantni subjekti iz svih oblasti društva u Brčko Distriktu BiH kako bi na najbolji način došli do konkretnih preporuka i prijedloga za buduće akcije kako bi u Brčko Distriktu BiH situacija u kojoj se mladi ljudi i manjine osjećaju diskriminirani po pitanju dobijanja zaposlenja bila promjenjena na bolje.

Mladi iz Finske u posjeti

PRONI-u!!!

Grupa mladih iz Finske je posjetila Brčko distrikt BiH. Šest srednjoškola iz Finske srednje škole Nummi-Pusala je pod pokroviteljstvom Ministarstva obrazovanja Finske posjetilo BiH sa ciljem razmjene iskustava iz oblasti školovanja, te upoznavanja kultura naroda u BiH.

Tokom svoje višednevne posjete mladi su posjetili škole i vjerske objekte u Brčkom i Orašju, te Memorijalni centar u Srebrenici.

U Brčkom su pored Gimnazije "Vaso Pelagić" mladi posjetili inašu organizaciju gdje je upriličena razmjena iskustava na temu školovanja i slobodnog vremena mladih te druženje sa mladim Brčacima i Brčankama koji učestvuju u PRONI radionicama.

Grupu iz Finske je vodio direktor škole Mikko Lume, koji je u Brčkom bio u misiji EUFOR-a.


PREDSTAVNICI PRONI-a NA REVIJALNOJ UTAKMICI PROTIV VLADE I SKUPŠTINE BRČKO DISTRIKTA

"Prvi put protiv Vlade i Skupštine" bio je moto revijalne utakmice koja je odigrana 10.marta 2010. godine povodom 10. godišnjice Brčko distrikta, a u kojoj su učestvovali predstavnici lokalnih NVO, zaposlenici Vlade i zastupnici u Skupštini.

U timu za nevladine organizacije osim predstavnika PRONI-a, OC Vermonta, Asocijacije mladih, UM Izvor i Foruma za bezbjednost građana nastupili su Edin Baković-trener, Adem Velagić-trener košarkašica, Slobodan Tešić-FK Jedinstvo te estradni umjetnik Šekib Mujanović.

Najavljeno je da će ovakva sportska dešavanja preći u tradiciju.

Nakon utakmica organizator je uručio po jednu fotografiju predstavniku Vlade, Skupštine te Gimnazije kao domaćina.



YOUth ZONE!!!

PRONI Centar za omladinski razvoj, u suradnji sa Radio Brčko distriktom BiH, realizuje radio emisije za mlade pod nazivom YOUth ZONE. Emisija se emituje svake subote od 17 do 18h.

YOUth ZONE je mjesto na kome mladi mogu da čuju mnoge važne i zanimljive informacije, o putovanjima, kampovima, projektima mladih u Brčkom i okolini, seminarima za mlade te druge bitne događaje, gdje i kad mogu da ih posjete, da kažu sve šta žele i da pitaju šta ih interesuje.

Emisiju uređuju i vode PRONI volonteri Ljiljana i Biljana Đurđević, Mejdi Sulejamni i Elvira Adžikić, uz podršku omladinskih radnika i prijatelja sa Radio Brčkog.

SLOGAN emisije je Slušaj, Pitaj, Saznaj...

Prva emisija je realizovana u subotu 27.3.2010. godine u 17h.

Edukacija PRONI volontera u Bijeljini!!!

Volonteri PRONI Centra za omladinski razvoj iz Bijeljine su u subotu 20.03.2010. godine prošli obuku iz pisanja CV-ja (biografije).

Trening su organizovale Bojana Sekulić i Tatjana Ristić, zaposlene u PRONI-u, primijetivši da volonteri imaju sve više potrebe za pisanje CV-ja prilikom apliciranja na seminare i treninge, takođe i prilikom pisanja projekata, a da nisu sasvim savladali ovu tematiku.

Brzim reagovanjem na ovu potrebu PRONI radnice su pripremile trening, a volonteri su došli u velikom broju i aktivno učestvovali tokom cijelog treninga. Ukupno 15 volontera je naučilo kako napisati CV. Nakon treninga nastavili su sa druženjem u PRONI kancelariji u Bijeljini.

Volonterima PRONI-a dobili sredstva od FOP-a za projekat!!!

Volonterima PRONI Centra za omladinski razvoj, koji su ujedno i aktivisti za ljudska prava i članovi učeničkih vijeća u svojim školama, odobrena su sredstva od strane FOP-a (fond za omladinske projekte, Schule Helfen Leben organizacija) za projekat.

Tema projekta je „(Ne) zastupljenost mladih u medijima!“.

Oni su, kao članovi učeničkih vijeća, već duže vrijeme prisustvovali treninzima, koje je omladinska radnica Senada Sušić organizovala, na temu ljudskih prava. Članovi te grupe su kao jednu od tema imali i pisanje projekata tokom koje su došli na ideju da sa tim projektom apliciraju FOP-u.

Trenutno se čeka na potpisivanje ugovora sa FOP-om.

Nešto više o PRONI-u



Omladinski rad

PRONI je do danas implementirao oko 300 manjih omladinskih i volonterskih projekata koji su uključili više od 4000 mladih. Od 1999. godine PRONI organizuje različite projekte na otvorenom: festivali, koncerti, turniri, kampovi, itd. Od 2002. godine PRONI je otvorio 4 omladinska kluba u: Brčkom, Maoči, Potočarima i Bijeloj, što se kasnije proširilo na 27 omladinskih klubova u mjesnim zajednicama Brčko distrikta.

Volonterizam

PRONI realizuje volonterske programe koji daju mogućnost mladima da učestvuju na volonterskim treninzima i da implementiraju svoje projekte u Brčkom i Bijeljini. Do sada je PRONI obučio oko 150 volontera koji su implementirali oko 70 različitih projekata za mlade i djecu. PRONI takođe prihvata lokalne i međunarodne volontere koji imaju iskustvo u omladinskom radu i uključeni smo u EVS (međunarodni volonterski servis za razmjenu volontera).

Baza trenera

PRONI je oformio "Bazu trenera" i pokrenuo kurs "Osnove omladinskog rada" sa ciljem da se odgovori na potrebe lokalne zajednice za neformalno obrazovanje. "Baza trenera" obučava grupe mladih i odraslih u oblastima ljudskih prava, komunikacije, razrješenje konflikta, grupni i timski rad.

Omladinska politika

PRONI se već duže vrijeme bavi razvojem omladinske politike za Brčko distrikt u saradnji sa drugim omladinskim organizacijama, te razvojem i promocijom omladinske politike u Bijeljini.

PRONI je nevladina, neprofitna i nestranačka organizacija koja radi na području Brčkog od 1998. godine i na području Bijeljine od 2004 godine.

Naša vizija:

PRONI Centar za omladinski razvoj ima viziju da svi mladi ljudi imaju sposobnost da razviju sebe i jednaku mogućnost da doprinesu demokratskom i pravednom društvu u kome su njihove potrebe prepoznate i riješene.

Danas PRONI radi na edukaciji o ljudskim pravima, te radi na razvoju aktivizma mladih u zajednici, razvoju volonterizma, razvoju omladinske politike.

PRONI-jev rad se ogleda kroz treninge, seminare, radionice, okrugle stolove, razmjene volontera i mladih, festivale i druge aktivnosti koje podstiču multietničnost, saradnju i sigurnu životnu sredinu.

PRONI Centar za omladinski razvoj

Ul. Bosne Srebrene br. 16.
76101 Brčko

tel: +387 49 233 940

tel/fax: +387 49 217 695

Ul. Ivana Gorana Kovačića br. 5.
76000 Bijeljina

tel: +387 55 213 046

pronibrbc@teol.net

www.pronibrcko.ba